

醫燈續焰卷十六

錢塘後學潘

楫碩甫註

同邑社盟王佑賢聖翼評

門人

高鴻奎君錫

曹毓貞元起校

壻施安祖孔安

小兒脉證第七十八

小兒之脉。七至爲平。更察色證。與虎口文。

三歲以下小兒純陽之體。形質小。呼吸促。脉之周  
行。駛而應指疾。大約以七至爲平。非若大人四至  
爲平也。其太過爲數爲熱。不及爲遲爲寒。則與大  
人無異矣。雖然脉至七八。難全爲準。必察其色。與  
所見之證。更視虎口之文。而病情始無隱匿。蓋五  
藏之列於面。各有定部。如左腮屬肝。右腮屬肺。額  
上屬心。鼻屬脾。頰屬腎是已。諸邪之見於部。亦各  
有定色。如赤爲熱。白爲寒。黃爲積。青黑爲痛是已。

虎口者。食指內側。連大指作虎口形。故曰虎口。是處肌皮嫩薄。文色顯明。卽肺手太陰經脈之盡處。諸脈大會此經。察色者。卽所以察脈也。故色赤爲熱。在脈則數。色白爲寒。在脈則遲。色黃爲積。在脈則緩。色青黑爲痛。在脈則沉弦。此皆自然之理。非可牽會。雖無五部之分。而有三關之別。指初節曰風關。二節曰氣關。三節曰命關。文色見風關者輕。再進。則上氣關爲重。再進。則直透命關爲最重。甚

則主死。由風邪而干正氣。正氣不能勝而迫及於命。漸進漸深之象也。至如外證。肝病主諸風顛掉。實則目直叫呼。脇痛項急。呵欠頓悶。二便閉塞。虛則咬牙多欠。目閉羞明。心病主驚。實則發搐叫喊。或笑。發熱欲飲水。頻吐舌。虛則悸。卧不安。畏見人。舌痿不能乳。脾主困。實則困頓。身重肌熱。腹脹硬。唇腫而渴。虛則吐瀉不食。慢風。四肢不收。口流涎。肺主喘。實則胸滿喘促悶亂。虛則哽氣。呵欠寒慄。

腎主恐怖。畏明。不能立。二便清泄。足冷。但有虛證。而無實證。已上諸證。不過言其大槩耳。至於傾移傳變。何可勝紀。唯圓機之士。參合色脉。識本知標。源流窮源。緒綜體認。縱不能臻聖神之域。諒亦不在工巧之下矣。

小兒雜述

襁褓 千金論云。小兒宜用父故絮。女用母故絮。爲衣。勿用新綿。及過厚。令壯熱生瘡。發癩。又令筋

骨緩弱。宜時見風日爲佳。

乳哺 乳者。奶也。哺者。食也。乳後不得便與食。哺

後不得便與乳。小兒脾胃弱。乳食相併。難以尅化。周歲已上。必成乳癖。食癖。作熱作疼。疳病從此始。丹溪曰。小兒腸胃薄窄。一切酸醎甜辣。魚肉水果。

濕麵煎炒。俱是發熱難化之物。皆宜禁絕。只與熟菜白粥。非唯無病。且不縱口。可以養德。婦人無知。唯務姑息。畏其啼哭。無所不與。積成痼疾。雖悔何

及乳母尤宜謹節。飲食下咽。乳汁便通。情欲中動。乳脉便應。兒得此乳。疾病立至。不吐則瀉。不瘡則熱。驚搐夜啼。口糜腹痛諸疾。所由來矣。病之初來。其溺必少。便須詢問。隨證治母。可消患於未形也。乳母亦不宜用狐臭。癭癩。喘嗽。疥癬。頭瘡。聾啞。龜鼻。癩證之人。

肘後云。兒生三日。宜助穀神。碎米作飲如乳。與兒大豆許。令嚙之。頻與三豆許。三七日可哺。

千金云。兒哺早。不勝穀氣。令頭面體生瘡。愈而復發。疍羸難養。一月後。雖哺勿多。不嗜食。勿強與之。寶鑑云。兒五十日。可哺如棗核。百日彈丸。早晚二哺。莫當風解衣澡浴。及帶哭而乳。冒冷而哺。又不可在神佛驢馬畔。及各房異戶。皆令兒爲病。

錢乙云。惜兒過當。三兩歲。猶未飲食。致脾胃弱。一生多病。半年後。宜煎陳米稀粥時與之。十月後。漸與稠粥助中氣。自然易養少病。



外臺崔氏。初哺兒。用平定成日。丑寅辰巳酉日吉。  
男忌戊巳。女忌丙丁日。

小兒四五歲。當斷乳而不肯斷者。

宜盡  
眉膏

斷後肉食

宜少少漸進。則無疳癖之患。

田氏曰。大凡小兒過煖生熱。熱極生風。提抱生癰。  
餵飼生癖。盛夏浴後。勿卽乳兒。兒啼勿卽與乳。令  
兒成胃毒。或秋成痢。浴後良久。身體燥。兒啼後。俟  
氣息平。方可乳。盛啼卽乳。多令氣逆成呃。

千金論曰。乳兒勿過飽。飽則溢而吐。若乳來多猛。取出接後再乳。或先捏去宿汁乳之。乳母欲寐。當以臂枕兒頭。與乳平。母欲睡熟。卽奪其乳。恐其不知飽足。亦成嘔吐。父母交合。兒卧於側。或驚起。勿與乳。蓋氣亂未定。亦能害兒。

顛頤經曰。夏不去熱乳。令兒嘔吐。冬不去寒乳。令兒瀉痢。侵早乳兒。皆須捏去宿乳。乳汁勿投於地。虫蟻食之。令乳無汁。宜沃東壁上。

張渙曰。乳母須每日三時。摸兒項後風池。若壯熱者。卽須熨之。使微汗卽愈。風池在頭項筋兩轅之邊切不可妄鍼灸。亦不可輒吐下。蓋鍼灸傷兒經絡。吐下動兒藏府也。

嬰兒半歲。尻骨已成。乳母當教兒學坐。二百日外。掌骨成。教令地上匍匐。三百日。臙骨成。教令獨立。周歲。膝骨成。教令行步。此皆一定之法。世人惜兒。懷抱過時。柔痠筋骨。爲害非淺。

初生兒在胎。藉胎液以生藏府。分娩時。口含血塊。啼聲出。卽嚙下。此毒內伏命門。外感天時。多發爲驚風瘡疹等病。須於未啼時。用綿裹指。急空去。用黃連豆豉硃蜜甘艸解之。後出痘亦輕。又或難產。或冒風寒垂危者。勿卽斷臍帶。急烘綿絮。包抱懷中。以胎衣置火中。更用火紙捻於臍帶上下往來燎之。使煖氣入腹。必自甦。尤戒浴。恐腠理泄而外邪乘也。看舌下有膜如槅子連舌。致啼不出。聲

不轉。速以指爪斷。或用葦刀割之。微有血出。卽活。若血出多。燒髮灰。豬脂和塗之。見上下唇。與齒齦連處。皆有一筋牽引。若上唇筋緊。卽生上煉。下唇筋緊。卽生下煉。上煉生瘡滿頭。或眉間。如癬狀。瘙痒不已。復流黃汁。至處生瘡。下煉起腰背。漸至四肢。患亦如上。若不治。或頭面相通。累年不輕。令天折。或成大病。唯每早拭口佳。

兒生三日。以桑槐榆桃柳嫩枝。各三寸。長者二三

十節煎湯適冷熱。入猪胆汁一枚浴之。勿久。浴湯用猪胆。益母草。不生疥瘡。用金銀花。虎頭骨。麝。丹砂。辟惡氣。客忤驚癇。用桃梅李楮根葉。解體熱溫疫。須臨浴時煮。紀用經浴法。用寅卯酉日吉。壬午丁未癸巳凶。不能上三日。勿犯下三日。又三日五日七日宜浴。

小兒浴。勿先斷臍帶。恐水濕侵臍。有臍風臍瘡等證。用清油調髮灰傅臍佳。

千金云。臍勿以刀割。隔单衣咬斷。以煖氣呵七遍。卽纏結。所留帶。致兒足跌上。斷訖。看臍帶中多有虫。急剔去。不爾。入臍成疾。臍當長六寸。長則傷肌。短則傷藏。不以時斷。及按汁不盡。煖氣漸微。卽生寒。令兒臍風。寶鑑論斷臍。若用剪刀。先於懷中令剪煖。又水入臍。多天釣。痛苦啼叫。面青黑。臍傷動。久不乾。傷外風。卽口噤不可救。聖惠云。兒生一宿。抱近明無風處。看臍上有赤脉直上者。卽於脉盡

頭灸三壯。赤散卽無患矣。裹臍必用軟練帛。若十許日。怒啼不止。必臍燥刺腹。或衣中有刺物。或換衣。或換裹。須細察之。

崔氏云。兒衣須清水洗。勿令污濁。新瓶盛。密蓋。置便宜處。三日後。依月吉地向陽處理之。入土三尺。

須牢築。令兒壽。若不謹。或爲虫畜傷食。至兒不壽。

或橫亡。宜天德月空處理吉。

正月天德在丁月空  
在丙辰餘詳官本曆

日若遇反支。宜挂宅外福德上。向陽高燥處。待過



月。然後依法埋藏吉。甲乙日生。丙丁日藏。丙丁日  
生。戊巳日藏。戊巳日生。庚辛日藏。庚辛日生。壬癸  
日藏吉。

集驗方云。小兒初剃頭。不擇日。皆於滿月日剃之。  
蓋俗所尚。前產婦未得出房。於滿月。卽與兒俱出。  
謂胎髮穢惡。有觸神竈。令兒不安。故於此日剃頭  
而出。凡剃頭。須避風。就煖。剃後。以杏仁三枚。去皮  
尖研碎。入薄荷三葉。再同研。却入生麻油三四滴。

臙粉拌和。頭上擦。免生瘡疥熱毒。

初生輒死。千金云。兒初生輒死。視口中懸壅。前上齶。有泡者。以指甲摘取頭。決潰去血。勿令入咽。不能啼。三因云。兒初生不能啼者。必難產。冒寒所致。急用綿絮包抱懷中。勿斷臍帶。將胞衣置爐炭中燒之。再撚大紙條。蘸油點火。於臍帶下燻之。令火氣入臍。更以熱醋湯盪洗臍帶。須臾氣回啼哭。方可浴。浴後斷帶。又或有泡在上齶。卽如上救。

初生輒死法治之。

眼不開 兒初生。眼不開。呻吟。胎熱故也。宜天竺

黃散。生地黄湯。及與乳母喫。亦有洗拭不淨。使穢

汁漬於眥中。致赤爛。長亦不瘥。宜真金散洗之

不喫乳 此亦拭口不淨。惡穢入腹。令兒腹滿氣

短。不能吮乳。或母取冷過度。胎中受寒。令兒腹痛

也。宜外臺方之類灸承漿七壯亦好

不小便 此多因母恣食熱物。熱毒入胎所致。如

臍腹腫脹。四旁青黑色。及口撮。卽不可救。如未見

色。

宜外臺方豆豉膏之類

不大便。由胎中受熱。熱結肛門。燥澁所以如此。若三日不通。急令乳母以溫水漱口。啞兒前後心。并臍下。手足心。共七處。凡四五次。仍以輕粉半錢。蜜少許。溫水化開。時時服少許。以通爲度。如仍不通。須透而通之。金簪玉簪俱可。須刺入一二寸。內少蘇合丸於內。糞出爲快。若腹膨脹。呻吟不乳。至

一七則難救。用硬芎鉞絰肛門亦好。

驚口 初生口中舌上。白屑如驚之口。由在胎受  
殺氣盛。心脾熱氣薰發。用髮纏指。蘸井花水揩拭  
之。睡時。煨黃丹出火氣。摻舌上。如屑不脫。可濃煮  
栗茨汁。綿纏指蘸拭。如無栗茨。栗木皮代之。

撮口 其證舌強唇青。聚口撮面。面目黃赤。喘急  
聲不出。飲乳有妨。若口出白沫。四肢冷。不治。其或  
肚脹青筋。弔腸卵疝。內氣引痛。皆腸胃鬱結不通。

所致。治宜疎利。過七日乃免。

宜辰砂壘  
蠶散之類

臍風。臍濕。臍瘡。氣臍。凸臍。

此皆因斷臍不慎。爲

風冷。水濕所乘。入於臍。流入心脾。令腹脹臍腫。四

肢不收。多啼不乳。甚者發搐。久不瘥。爲臍瘡。入於

經脉。多變爲癩。若臍凸肚緊。微有青色。口撮不開。

肝氣盛而尅脾土。不可施治。縱使得安。亦非長壽。

宜五苓  
散之類

又法。小兒七日內。患臍風撮口。百無一愈。

但看兒齒齲上。有小泡子如粟米狀。以熟帛裹指。

蘸溫水輕輕擦破。卽安。又灸然谷穴。在內踝前。大  
骨下陷中。灸三壯。鍼入三分。不宜見血。顛經治  
臍濕。用枯礬龍骨爲末。入射少許。拭臍乾用。避風。  
絳帛灰傳妙。蓋破屋爛草爲末。摻之。亦好。氣臍大  
如栗。虛腫而軟疼。用竹瀝塗。日數上消。臍瘡。宜龍  
骨散。凸臍。因兒有熱在胸。頻頻伸引。呃呃作聲。努  
張其氣。抑入根本之中。所以凸起。虛大可畏。不必  
以藥傳之。恐反爲害。宜白芍藥湯加米仁煎湯空  
心溫服以外消散塗貼自平

天鈞 亦驚風之類。但發時頭面仰視。翻眼抬睛。

故名天鈞。

宜雙金散。或灸兩手大拇指兩甲內。相半男先灸左女先灸右。及兩足大拇指。

中間各三五壯。又灸前後手心各五壯。妙。

頭目不仰。乃驚風之類。

宜辰砂抱。

龍丸

遺尿 原病式。謂遺尿不禁。為冷。內經云。不約為

遺溺。仁齋曰。小便者。乃津液之餘也。腎主水。膀胱

為津液之府。腎與膀胱俱虛。而冷氣乘之。不能拘

制。其水出不禁。謂之遺尿。睡裏出者。謂之尿牀。此



皆腎與膀胱俱虛。而挾冷所致。宜雞腸散外臺方亦有熱

結於腎部。干於足厥陰之經。庭孔鬱結。氣血不能

宣通。則痿痺而神無用。故液滲入膀胱而溺遺失。

宜六味丸

舌。齟齬。諸病。楫師王紹龍先生云。心為一身君

主。神識之舍。外候於舌。無論外感內傷。皆當察之。

其色紅潤而淨者吉。有胎者病。胎薄少。色鮮明者

輕。厚滿。色黑闇者危。色枯燥不澤。圓縮強硬者死。

看舌大法盡  
此數語

至於傷寒痘疹。更宜細察。又脾之脉絡絡舌本。心

脾有熱。無處疏泄而發證於舌者。如弄舌。重舌。木

舌。舌白。舌黃。舌瘡。舌血之類。弄舌者。時時微吐其

舌。如火之燄。心脾積熱所致。兼脾證者。宜瀉黃散兼心證宜

導赤散。或大黃黃連瀉心湯重舌者。舌下有形如舌。宜刺出血及服瀉黃

散敷糝清液散馬牙硝蒲黃末之類木舌者。舌腫漸大。塞滿口。不治

殺人。宜瀉黃散舌白者。舌上有厚白胎也。宜桑白皮汁敷之。薄荷汁

生薑蘼擦亦妙。舌黃者。即舌上黃胎也。宜瀉黃散舌瘡者。舌上

生瘡也。

宜白礬塗足法

舌血者舌上黑。有孔出血不止。心

火熾盛故也。

宜蒲黃末敷之

重齲重齲者。齲上腫也。

總不外一熱。俱宜刺決洗拭。

宜雞內金為末乾糝或服五福化毒丹

鼻翹。小兒鼻翹者。因肺胃熱盛。迫血妄行。出于

上竅。春冬翹者。宜用生地黄汁。加生蒲黃末少許。

砂糖并花水浸服之。秋夏宜用車前草一握。洗淨。

同生薑一處研取汁。入白蜜一匙。先拌查塞鼻。次

用新汲水。和蜜并車前薑汁飲之。又生蘿蔔搗汁。

仰頭滴入鼻卽止。次以新汲水和蜜蘿蔔汁飲之。  
又宜服膠黃散。

語遲 應語不語曰語遲。由母受驚怖。內動兒藏。

邪乘於心。舌乃心苗。心氣不和。舌痿無力故也。宜

蒲丸或灸  
心俞三壯

無辜疳 巢氏云。古謂天上有鳥。名無辜。晝伏夜  
遊。小兒衣衲。夜露失收。鳥從上過。小兒親體。染其  
毒氣。遂致面黃髮直。壯熱。能飲食而不生肌肉。累

積月日而死。故名無辜。漢東王先生非之曰。此由八邪所乘。八邪者何。謂饑。飽。勞。役。風。驚。暑。積也。若然。是皆有因而成。不得名無辜矣。楫謂夜露陰沉。百邪皆出。狐狸梟鵬之類。何所不有。衣染其氣。小兒氣虛體薄者。理應成病。以其不在八邪之內。無辜而得。故名無辜。非獨因鳥名也。宜肥兒丸布袋丸之類

鶴節 小兒稟賦不足。血氣不榮。肌肉瘦瘁。骨節

聳露。如鶴膝之節。乃腎虛不生骨髓耳。

宜錢氏地黃丸

哺露 小兒哺乳不節。不消。致脾胃衰弱。弱則愈不能消。令肌肉尪羸。骨如柴露。吸吸苦熱。以其得之乳哺。故曰哺露。

宜大啓脾丸肥兒丸

丁奚 小兒脾胃尚弱。若哺食過度不消。水穀之精減少。不榮肌肉。日漸瘦削。其頸項四肢骨立零丁。而腹則獨大如奚囊也。故名丁奚。與哺露大同小異。其證吐泄不時。色慘潮熱。或黃瘦。顙開顙陷。

手足如筒。

宜參苓白朮散  
大啓脾丸之類

滯頤 俗名口水。流滯於頤下。故名。由脾虛冷液

多。不能收攝耳。亦有脾虛挾熱而流者。宜審證施

治。虛冷宜益黃散。熱宜瀉黃散之類。

啼哭 有驚啼。夜啼。軀啼。驚啼者。精神不定。睡卧

不安。如驚而啼。屬藏熱。夜啼者。入夜即啼。陰寒相

感。屬藏寒。軀啼者。腹中痛甚。張氣促眉。身軀而啼。

屬食不消。或有積滯。驚啼宜安神丸。涼膈散。夜啼宜花火膏。蟬花散。茅先生抹

唇膏。軀啼宜白朮當歸煎丸之類。

龜胸龜背 龜胸者。母食五辛。或兒食宿乳。熱薰

于肺。肺氣不寧。以致欬逆上氣。壅滿胸中。久則胸

亦高腫。如龜之胸也。龜背者。是強兒坐。或坐風中。

邪乘于脊。或乘于督脉。不能解散。漸如偃僂而背

高如龜狀也。

龜胸者宜瀉白散外治塗龜尿法龜背者宜羌活防風及龜鹿膠等藥外

亦宜塗

龜尿

解顛頤陷顛填 解顛者。小兒數歲。顛不合而頭

顛開也。顛陷者。顛門深陷也。顛填者。顛門腫起也。



皆屬腎虛髓少。骨氣不實，多至夭折。間有藏府有

熱，熱上衝而成者。然腎虛固本病耳。宜補中益氣湯錢氏地黄

丸小兒鋼

頤藥之類

行遲 腎主骨，主髓。虛則髓少骨柔，故行遲耳。宜錢

氏地黄丸麝茸丹之類

齒遲 亦腎虛也。夫齒為骨之餘，藉髓榮養。腎髓

虛少，不能充骨，又安能及齒，故久不生也。宜六味地黃丸

髮遲髮黃 亦少陰腎藏虛耳。腎主藏精，其華在

髮少陰氣血不足。即髮疎薄不生。亦有因頭瘡而

禿落者。

宜千金椒葉方榆末散聖惠黑豆膏選用

錢氏曰。小兒長大不行。行則脚弱。齒久不生。生則

不固。髮久不生。生則不黑。皆屬氣血虛也。宜大劑

補之。

髮黃宜千金翼大豆方

齒牙頰車。齒者。骨之餘。其本在腎。而經則屬胃

與大腸。病在本者。多屬虛。在經者。多實火。宜細察

形脉兼證治之。

宜清胃湯雄黃九千金白鹽方靈花生齒方

耳耳者。心腎之竅。肝膽之經也。心腎主內。屬精

血不足。肝膽主外。屬風熱有餘。或聾聵。或鳴響者。

稟賦虛也。或脹痛。或膿痒者。邪氣客也。虛者宜六味地黃丸

風熱客者宜柴胡清肝散其他諸證不一。宜後方對證選用。宜湯

氏龍黃散若諸虫入耳宜立驗散

五軟五軟者。頭項軟。手軟。脚軟。肌肉軟。口軟是

也。頭軟。頭不舉。項脉軟而難收。治雖暫差。他年必

再發。手軟。則手垂。四肢無力。亦懶抬肩。若得聲圓。

還進飲食。乃慢脾風候也。尚堪醫治。脚軟者。五歲不能行。虛羸脚細小。不妨榮衛。但服參耆等藥。併錢氏地黄丸。長大自然肌肉充滿。肌肉軟。則肉少皮寬。自離飲食不長肌肉。宜錢氏橘連丸若瀉利頻者。難

治。口軟。則虛。舌出口。唇青氣喘。則難治。薛氏曰。頭項軟者。天柱骨弱。藏府骨脉皆虛。諸陽氣不足也。手足軟者。脾主四肢。中州不足。不能榮養四肢。故肉少皮寬而飲不爲肌膚也。口軟者。口爲脾竅。上

下齟。屬手足陽明。陽明主胃脾。胃氣虛。舌不能藏。而常舒出也。此五者。皆因五藏氣弱。不能滋養。充達原其要。則總歸於胃。以胃爲水穀之海。五藏六府之大源。故治必先以脾胃爲主。皆宜用補中益氣湯以滋化源。頭項手足三軟。兼服地黃丸。

五鞭。五鞭者。仰頭取氣。難以動搖。氣壅作痛。連於胸膈。手足心冷而鞭。此陽氣不營於四末也。經曰。脾主四肢。又曰。脾主諸陰。今手足冷而鞭者。獨

陰無陽也。故難治。若肚筋青急者。木乘土位。急用六君子湯。加炮薑肉桂。柴胡升麻。以復其真氣。若係風邪。當叅驚風治之。此證從肝脾二藏受患。補脾平肝。

魛病 魛。小鬼也。乳兒未能行。而母復有娠。其兒忽微下利。寒熱往來。毛髮擊鬣。爲有惡鬼神。導腹中之胎。妬嫉而爲此。故名魛病也。以他兒食其乳。亦能相繼而病。故俗又名繼病。雖然。妊娠乳兒。不

必悉致魃。亦偶有此耳。女子氣血。上爲乳汁。下爲經水。小兒飲交乳且病。况氣血旣榮於胎。而乳汁必自漓薄。兒飲之。能無病乎。鬼神之咎。似無稽也。

客忤 客忤者。是小兒神氣軟弱。忽有非常之物。或未經識見之人觸之。與兒氣相忤而發病。謂之客忤。亦名中客。又名中人。其狀吐下青黃白色。水穀解離。腹痛。反倒天矯。面變易五色。狀似癩。但眼不上插耳。其脉弦急數者。是也。失時不治。久則難

治。若乳母飲酒過度。醉及房勞。喘後乳者最劇。能  
殺兒。凡兒衣布綿帛鞋襪中。不得有頭髮。凡小兒  
中客。急視其口中懸癰左右。當有青黑腫脉核。如  
麻豆大。或赤。或白。或青者。便宜用針速刺。或爪摘

決之。并以綿纏釵頭。拭去血能愈。

宜豆豉大丸摩  
法譚氏殊聖治

客忤方張渙辟邪膏竈中  
黃土方三物燒髮散之類

中惡。小兒中惡者。是卒中鬼邪之氣也。其證先  
無他病。卒然心腹刺痛。悶亂欲死是也。此必精氣



衰弱而後鬼惡得以中之。若腹大而滿。脉緊大而

浮者死。緊細而微者生。治之餘邪不盡。留滯藏府。

更發變為疰病矣。

宜先下蘇合香丸未醒以皂角末搐鼻取嚏次服沉香降氣湯

又宜葱刺鼻法肘後灸法管吹下部法已上救客忤中惡法及一切卒死皆可參用

卒死 小兒卒死者是三虛而遇賊風故無病倉

卒而死。三虛者。乘年之衰。逢月之空。失時之和也。

詳靈樞人因此三虛復遇賊風令陰氣偏竭于內

陽氣阻隔於外。榮衛壅閉。陰陽不通。故暴絕而死。

若藏府未竭，良久乃甦，亦有挾鬼神氣者，皆須治

令邪退乃生。若有餘邪畱蓄，再發則成痼病矣。其

證眼合，齟齒，遍身綿軟，面青黑，口鼻冷。宜蘇合香丸，千金牛

舐方熨兩脇方治卒魘方皂角搐鼻法雞冠血方灸人中及心下之類

鬼持 小兒鬼持者，乃神氣弱，為鬼所持，其狀無

他疾，乃痿黃啼喚，口氣常臭是也。宜圖經治鬼持方外臺深師五

邪丸之類

痼病 痼者，注也，亦言住也。謂風邪鬼氣住人身

內。又復注易傍人。無問人之大小。若血氣衰弱。則陰陽失守。風邪鬼氣。因而客之。畱在肌膚。連着藏府。或皮膚掣動。遊易不常。或心腹刺痛。或體熱皮腫。沉滯至死。死後注人。小兒襁褓居室。無因觸冒風邪。多緣乳母解脫之時。不避溫涼暑濕。或抱持出入早晚。其神魂軟弱。爲鬼氣所傷故耳。宜太乙備急散

尸疰。尸疰者。是五尸之中。一尸疰也。人無問大小。腹內皆有尸虫。尸虫爲性忌惡。多接引外邪。共

爲患害。小兒血氣衰弱者。精神亦羸。故尸疰因而  
爲病。其狀沉默不的。知病之所在。或寒熱淋漓。涉  
引歲月。遂至於死。死又疰易傷人。故曰尸疰也。宜

惠木香  
散之類

蠱疰 蠱疰者。人以蛇虫諸毒。聚於器中。令相噉  
食。食盡存一物。最惡最毒。名曰蠱。能隨飲食變化  
入腹。還生。食人五臟。小兒中者。證與大人無異。其  
狀心腹多刺痛。懊悶。急者卽死。緩者延涉歲月。羸

困下血。藏爛乃死。死又疰易傍人。故爲蠱疰也。范宜

注十七味紫參丸殺羊角散雄黃散小兒五種蠱毒方敗鼓皮

附方

畫眉膏

山梔

三個存性

雄黃

少許

朱砂

少許

右爲細末。入麻油輕粉各少許。調勻。候兒睡着。

濃抹于兩眉上。醒便不食乳。未効。再用。加黃丹

一錢。

金朱飲

本名天竺黃散

治驚壯熱。傷寒伏熱。上焦虛熱。

重舌。口鼻生瘡。赤眼。

川鬱金

剉皂莢水煮乾細者如膽狀佳

天竺黃

茸艸

炙

馬牙硝

各半兩

朱砂

一分研

蟬殼

十四個水洗去土

麝香

少許

右為末。每服半錢。至一錢。蜜湯調下。

生地黃湯

治初生兒眼不開。

乾地黃

赤芍藥

川芎

當歸

去蘆

瓜萐根

甘艸

各等分

右為細末。少許。用燈心煎湯調抹口中。

真金散 治兒初生。洗眼不淨。穢汁浸漬眼背赤

爛。至長不瘥。母食熱物熱藥。名曰胎赤。

黃連

去鬚

黃栢

當歸

赤芍藥

各一錢

杏仁

去皮尖半錢

右剉散。乳汁浸一宿。晒乾。為極細末。用生地黃

汁調一字頻頻點眼。新綿裹荆芥湯浸溫。時時

洗浴。母服洗心湯。

外臺方

乳兩合。葱白一寸。煎一兩沸。去葱喫卽乳。

豆鼓膏

黑豆

勺一

田螺

個十九

葱

把一大

右搗爛。芭蕉汁調。貼臍下。

蘇合香丸

見第十八

辰砂殭蠶散 治初生撮口。



辰砂 水飛半錢

殭蠶 真的去絲嘴炒一錢 蛇蛻皮 炒一錢

麝香 研半錢

右爲極細末。少許。用蜜調。傅唇口。

五苓散 見第十七

龍骨散 治臍中瘡。

龍骨 煨 輕粉 各半錢

黃連 去鬚一錢半

右爲極細末。少許乾摻臍。

白芍藥湯 治冷疝腹痛。及誤汗下。卽壞症傷寒

是也。並宜先服。次投對證之劑。

白芍藥

一兩半

澤瀉

去粗皮 七錢半

甘艸

炙二錢

薄桂

去粗皮 一錢半

右件咬咀。每服二錢。水一盞。煎七分。空心溫服。

誤汗誤下。加人參南木香各二錢。臍下痛。入生

薑及鹽同煎。或加釣藤亦好。

外消散 治兒初生臍突。或痛或不痛。痛則啼不

已。及小兒因感濕熱。陰囊浮腫。

大黃

牡蠣

各半

朴硝

二錢

前二味。剉焙為末。仍入朴硝鉢內同杵勻。用一二錢。先取田螺淨洗。水半碗活過宿。去螺。用水調塗腫處。即消。其螺放生勿害。治陰囊腫。用車前子煎湯。候冷調傳。

雙金散 治天釣驚風。日久不下。

蜈蚣

一個去頭足尾用真酥塗慢火炙黃置砧子上面南立用竹刀子當脊縫中亭剖作

兩半個左邊者入一貼子內寫左字右邊者亦入一貼子內寫右字不得錯悞

登賣百 卷十六 二十六 陸地舟

麝香

一錢細研先將左邊者同于乳鉢內研作細末却入在左字貼內收起別用乳鉢將

右邊字者入麝香同研極細却入右字貼內收不得相犯每有病者眼睛釣上止見白睛

兼角弓反張更不能出聲者用此藥法治之

右用細葦筒子取左字貼內藥少許吹在左邊

鼻裏右亦如之用藥不可多若眼未全下更添

些小以意量度其眼即下。

神砂抱龍丸 治小兒驚風痰喘風寒。

胆星

四兩

朱砂

水飛五錢

麝香

五分

雄黃

二錢五分

天竺黃

一兩

右為極細末。其艸膏和丸。朱砂為衣。一方加金

箔十張。

雞腸散 治因膀胱有熱。服冷藥過多。小便不能

禁止。或遺尿病。

雞腸

一具。男用雌雞。女用雄雞。燒存性。

牡蠣

茯苓

去皮

桑螵蛸

炒各五錢

桂

去粗皮

龍骨

各二錢半

右爲極細末。仍以雞胫一具。雞腸一具。燒存性。研極細末。每用和前藥末一錢。用溫酒調化。食前服。

外臺方 療小兒睡中遺尿。不自覺。

桂朮。雄雞肝。等分。搗丸。一豆大。溫水下。日三服。

六味地黃丸 見第十六

瀉黃散 見第四十九

導赤散 見第十七

大黃黃連瀉心湯

見第五十五

清液散 治小兒重舌及口瘡。

青黛

朴硝

各一錢

龍腦

一字

右為細末。用蜜調。鶯翎蘸少許傳之。

五福化毒丹 治積熱驚惕。狂譫。煩渴。頰赤咽乾。

唇口生瘡。夜卧不寧。頭面遍身瘡癩。及小兒驚

風痰熱。潮搐等證。如大人口臭。及小兒瘡疹。上

攻口齒。涎血臭氣。用生地自然汁化一丸。以雞

翎刷口內。熱疳黃瘦雀目者。陳粟米泔下。食後  
臨卧服。

玄參

桔梗

兩各三

人參

牙硝

青黛

兩各一

茸艸

五分七錢

麝香

分一

蜜丸。芙蓉大。金銀箔各四十片爲衣。每一丸作  
四服。薄荷湯下。

膠黃散 治小兒大衄。口鼻耳出血不止。十五六



歲兒陽盛。多此病。

阿膠 一兩

蒲黃 半兩

右爲末。三歲半錢。生地黄汁。微煎。調服食前。

菖蒲丸 治小兒心氣不足。五六歲不能言。

石菖蒲 二錢

人參 切去蘆 焙半兩

丹參 二錢

天門冬 去心 皮

麥門冬 去心 焙 各一兩

赤石脂 三錢

直指有當歸。川芎。朱砂。

右爲細末。煉蜜丸如菉豆大。或麻子大。溫水下

五七丸。至一二十丸。不拘時。日三服。久服取効。  
又有病後腎虛不語者。宜兼服錢氏地黃丸。  
肥兒丸。治小兒腦後項邊有物如彈子。按之轉  
動。軟而不痛。名無辜疳。久服神効。

胡黃連

神麩炒

麥蘖各五錢

檳榔三錢

木香二錢

肉豆蔻麵裹煨

史君子

肉各二錢半

右爲細末。蒸餅丸如黍米大。用米飲。食遠服。

楫曰脾色黃  
 合肌肉納飲  
 食腹乃其府  
 蛔乃其虫是  
 方以四君補  
 脾運土治其  
 本燕史蓋砂  
 殺蛔清熱治  
 其標食肉不  
 食藥者收藥  
 味于肉并肉  
 并味從類而  
 歸脾若脾疝  
 面黃腹大飲  
 食不調肌肉  
 枯瘁每見蛔

布袋丸 治諸疝疾。面黃腹大。飲食不調。肌肉枯

瘁。

夜明砂

揀淨淘  
澄淨

蕪荑

炒去皮  
各二兩

白茯苓

去皮

白朮

無油者  
去蘆

人參

去蘆

甘艸

蘆薈

細末各  
半兩

史君子

肥白者微炒  
去皮二兩

右爲末。湯浸蒸餅和丸。如彈子大。每服一丸。以

生絹袋盛之。次用精猪肉二兩。同藥一處煮。候

肉熟爛。提取藥於當風處懸挂。將所煮肉并汁。

者服之自効  
恐諸痺則未  
必也

令小兒食所懸之藥。第二日仍依前法煮食。只待藥盡為度。

錢氏地黄丸。治頭顱不合。體瘦。骨露如鶴膝。皆腎虛也。并治腎痺。天柱傾倒。腎主骨故。

熟地黄

洗焙  
八錢

澤瀉

洗去  
毛

牡丹皮

去  
心

白茯苓

各三  
錢

山茱萸肉

牛膝

鹿茸

酥  
炙

山藥

各四  
錢

右為末。煉蜜丸。如梧子大。三歲已下。三二丸。溫

水空心化下

大啓脾丸

即資生丸見第五十一

參苓白朮散

見第四十四

益黃散

又名補脾散

治脾胃虛寒。泄瀉嘔吐。腹痛。口

鼻氣冷。有熱證。不可服。

陳橘皮

一兩

青橘皮

訶子肉

甘艸

各半兩  
剉炒

丁香

二錢

白茯苓

一兩

右爲細末。每服二錢。水一盞。煎至六分。食前温

服。

瀉黃散

見第四十九

安神丸

見第十九

涼膈散

治小兒藏府積熱。煩躁多渴。頭昏唇焦。

咽燥。舌腫喉閉。目赤鼻衄。頰頰結硬。口舌生瘡。

痰實不利。涕唾稠粘。睡卧不寧。謔語狂妄。腸胃

燥結。便溺赤澁。一切風腫。並宜服之。

九方見第十

花火膏

取燈火一顆。塗乳上。令兒吮之。

楫曰晝則蟬  
鳴曉則雞鳴  
息聲于夜冠  
則最高殼則  
最表出邪于  
陽正南靈石  
定驚安補草  
火焚餘清心

蟬花散 治小兒夜啼不止。狀若鬼祟。用蟬蛻下

半截為末。一字。薄荷湯入酒少許調下。或者不信。將上半截為末。煎湯調下。即復啼也。古人立方。莫知其妙。

茅先生抹唇膏 主小兒夜啼。內有驚熱。

蟬殼

一個  
去足

燈花

兩  
朶

朱砂

少  
許

右為末。如小兒夜啼。遇夜用雞冠血調藥。抹兒上下兩唇。即止。夾朱砂膏與服。

白朮當歸煎丸 治胎寒腹痛。遇夜啼叫。身體軀張。有如癰狀。吐衄不止。大便酸臭。乳食雖多。不生肌膚。

白朮

當歸

木香

右等分。爲細末。煉蜜爲丸。如桐子大。每服一九。煎木香湯化下。

瀉白散

見第四十九

塗龜尿法

取龜置荷葉上。鏡照之。則自尿。一法



楫曰督脉總  
陽肝經藏血  
二脉會于顛  
頂二脉虛亦  
能令顛解白  
芍藥益肝飲  
而透頂雄雞  
冠助陽高而  
聳顛腎虛不  
合者無効

以鬚搐其鼻亦自出。

補中益氣湯

見第三十九

小兒錮顛藥

白芍藥粉

右取黃雄雞臨兒顛上刺其冠以血滴顛上血止。以芍藥末傳上。掩血令不見。一日立瘥。不愈再如法傳之。

麝茸丹

治數歲不能行。

麝香

研別

茄茸

酥灸黃

生乾地黃

虎脛骨

酥塗灸黃

當歸

洗焙乾

黃耆

剉

右件各一兩。爲細末。用羊髓四兩煮爛。和成膏。

如黍米大。每服十粒。磨沉香湯下。乳食前。日三

服。

千金楸葉方 治少小頭不生髮。以楸葉搗取汁。

傳頭上立生。

榆末散 治小兒白禿髮不生。搗榆皮末。苦酒

塗。

聖惠神効黑豆膏 治兒腦疳。髮連根作穗。脫落

不生。或白禿瘡。髮不生者。兼能黑鬚。

黑豆

苜蓿

訶梨勒皮

一兩

右件藥。搗羅末。水拌令勻。內于竹筒中。以亂髮塞口。塘灰內煨。取油貯瓷器中。先以米泔皂莢湯洗頭。拭乾塗之。日再用。十日髮生。

千金翼大豆方 治髮黃。以醋煮大豆爛。去豆煎

令稠塗髮。

清胃湯 治胃火牙痛。或連頭面。方見第四十九

雄黃丸 治小兒牙齒黑蛀。氣臭疼痛。

雄黃

二錢

麝香

半錢

右爲細末。軟飯和爲挺子。安在牙內。

千金白鹽方 常以白鹽末封齒齦上。日三夜二。

靈苑生齒方

右用雄雌雞糞各十四顆。焙乾同研如粉。入麝

香少許。仍先以針挑破損齒腳下血出。將散子傳之。年高者。不過二十日生。年少者。十日。不計傷損。及少自退落。並再生。

柴胡清肝散 治肝胆三焦風熱。怒火。或乍寒乍

熱。往來寒熱。發熱。或頭發瘡。毒等證。

柴胡 一錢半

黃芩 炒

人參

川芎

各一錢

山梔

炒一錢半

連翹

甘艸

各五分

桔梗

八分

右水煎服。

湯氏龍黃散 治小兒停耳。汁出不止。

枯白礬

龍骨末

黃丹

炒各半兩

麝香

一錢

右同研細。先以綿杖子搥膿水盡。用散一字半。分爲兩處入耳內。日二次。

立驗散 治蚰蜒及諸虫入耳

川芎

白芷

夜明砂

炒

猪牙皂角 炙

南星

炮各七錢五分

百部

白丁香

藜蘆

各四錢

草烏

兩半

砒霜

另研

萹撥

各二錢

海金砂

二錢半

右為細末。研勻。臨時更用鉛丹調色勻。磁器收。

如蚰蜒入耳。取少許。以醋一滴調化。以細翎蘸

藥入耳竅。微吹。令藥氣行。立出。藥不得多。多則

蚰蜒成水不出。如蝎螫。先點少醋在螫處。搽藥

半字許。擦令熱。即効。

錢氏橘連丸 治疳瘦。久服消食和氣。長肌肉。

橘皮

一兩

黃連

米泔浸一宿一兩半

右爲細末。另研入麝香五分。用猪胆七個。分藥入胆內。漿水煮。候臨熟。以針微刺破。以熟爲度。煮粟米粥和丸。如菉豆大。每服十丸。至二三十丸。米飲下。量兒加減無時。

豆豉大丸摩法 用豉數合。水拌濕。搗熟。丸如雞子大。摩兒頤上足心。各五六遍。又遍摩兒心。及



臍上下。食頃。破視其中。當有細毛。卽擲丸道中。  
譚氏姝聖治客忤方

驚啼哭不休。壯熱脉如鈎。莫識爲何病。傷心不  
自由。犀角雄黃搗。桃符煎水稠。參苓芩苳子。三  
粒化無憂。

張渙辟邪膏 兒血氣未實。神氣軟弱。除父母及  
乳養人外。勿令見生人。及抱往別房異戶。及見  
牛馬畜獸等。其父母家人之類。自外夜行歸家。

亦勿令見。恐經履鬼神惡氣犯兒。令吐下五色。  
水穀解離。狀似發癩。但眼不上戴。脉不弦急。名  
曰客忤。

真降香 剉

白膠香

沉香

虎頭骨 微炒

鬼臼 去毛

草龍膽

人參

白茯苓

右各半兩。搗羅細末。次入水磨雄黃半兩。細研  
水飛。次研麝香一錢。拌勻。煉蜜和丸。雞頭大。每

一粒煎乳香湯化下。及別丸如彈子大。用綠絹袋盛。佩兒衣上。仍卧內常燒神妙。

竈中黃土方 客忤因而驚忤者。治法用竈中黃土。研二兩。雞子一枚。去殼。二件相和。入少許水調。先以桃柳枝湯浴兒。後將此藥塗五心。及頂

門上。

陳無擇法用竈中黃土。蚯蚓屎等分。如此法塗之。

三物燒髮散 治小兒見生人。驚忤啼不止。

卽用來人顛上髮十莖。斷兒衣帶少許。合燒灰

細末。和乳飲兒愈。

皂莢搐鼻法

見第七十三

沉香降氣湯

卽前辟邪膏

葱刺鼻法

右取葱黃心。刺其鼻。男左女右。入七八寸。小兒量度之。若使目中血出佳。扁鵲法同是。

葛氏肘後灸法 以繩圍其死人肘腕。男左女右

畢。伸繩從背上大椎度以下。又從此灸橫行。各

半繩。此法三灸各三。卽起。又令爪其病人人中。取醒不起者。捲其手灸下文頭。隨年壯。又灸鼻中三壯也。又灸頤下窈窈中。名承漿穴。十壯。大効。又灸兩足大指爪甲聚毛中七壯。此華陀法。一云三七壯。又灸臍中百壯也。

管吹下部法 以管吹下部。須數人互吹。氣通則活。

千金牛舐方 治卒死無脉。無他形候。陰陽俱竭。

故也。

用牽牛臨兒鼻上。二百息。牛舐必差。牛不肯舐。着鹽汁塗面上。卽牛肯舐。

熨兩脇法

右炙熨斗。熨兩脇下。

備惡方云。又治尸厥。

治鬼魘死方

搗韭汁灌鼻孔中。劇者灌兩耳。

張仲

景云灌口中

雞冠血方

治小兒不知所病。便死絕方。

右取雄雞冠。臨兒口上。割血滴入口。下卽活。

灸法 卒死而四肢不收。屎便者，灸心下一寸。臍

上三寸。臍下四寸。各一百壯。見小者隨年。

圖經治鬼持方 用虎睛瓜。并指骨毛。繫兒臂上。

辟惡鬼。

外臺深師五邪方 療鬼魅。妄言狂走。恍惚不識

人。此為鬼忤。

丹砂

雄黃

研各別

龍骨

馬目毒公

鬼箭

各五兩

鬼白

二兩

赤小豆

三兩

芫青

一枚

桃仁

百枚去皮尖熬別研

右搗末。細絹篩。合諸藥拌令勻。後內蠟。和如彈

丸。絳囊盛繫臂。男左女右。小兒繫頸。合時勿令

婦人雞犬見。服者。蜜和圓如桐子大。一服三丸。

日三服。忌五辛生血物。

太乙備急散。主卒中惡。客忤。五尸入腹。鬼刺鬼

疰。及中蠱瘴。吐血下血。及心腹卒痛。腹滿。傷寒

陰毒病。六七日。

楫曰生陽起  
死陰附子桂  
心蜀椒雄黃  
丹砂是也大  
毒刮小毒芫  
花藜蘆巴豆



野葛是也又  
藜蘆湧干上  
巴豆泄干下  
吐利汗衄得  
一則生所以  
然者運樞轉  
而三焦通正  
氣內張邪氣  
外散故耳

雄黃

芫花

桂心

各二兩

丹砂

蜀椒

藜蘆

各一兩

巴豆

各一分

附子

炮裂去皮  
臍五分

野葛

三分

右九味。巴豆別治如脂。餘合治下篩。以巴豆合

和。更搗令勻。以銅器密貯之。勿泄。有急疾。水服

一字七。可加至半錢七。老小半之。病在頭。當鼻

衄。在膈上吐。在膈下利。在四肢當汗出。神効。

聖惠木香散 治小兒尸瘧。心腹脹痛。不可忍。

木香

鬼箭羽

桔梗

去蘆頭

當歸

剉微炒

紫蘇莖葉

各半兩

檳榔

三分

右搗為粗散。每一錢。以水一小盞。入生薑少許。

煎五分。去滓。不計時溫服。更量兒大小加減。

范汪方十七物紫參丸 療大人小兒蠱症。癥瘕

積聚。瘦削。大小便不利。卒忤惡風。臏脹腹滿。淋水轉注。殫門盡戶。延及子孫。醫不能療者。

紫參

人參

半夏

湯洗

藜蘆

代赭石

桔梗

白薇

肉蓯蓉

石膏

大黃

牡蠣熬

丹參

蝦蟆

燒灰

烏頭

炮各四分

狼毒

七分

附子

炮五分

巴豆

七十枚去心皮熬

右藥搗篩。蜜和為圓。以飲下如小豆一丸。日三

服。老小以意減之。蜂蠆所螫。塗上神良。忌猪羊

肉。冷水。一方無蝦蟆。有乾薑四分。

殺羊角散 治小兒中蠱。腹內堅如石。面目青黃。

小便淋瀝。變易無常。

幾羊角 屑

藜荷 各一兩

梔子仁 七枚

赤芍藥

牡丹皮

黃連 去鬚各一分

犀角 屑半兩

右搗粗末。羅爲散。每服一錢。以水一小盞。煎至

五分。去滓溫服。日三四服。更量兒大小加減。與

之

雄黃散 治小兒飛蠱。狀如鬼氣者。宜服。

雄黃

麝香

各細研

犀角

末各半兩

右藥都研令勻。每服以溫水調下半錢七。日四五服。量兒大小加減。

小兒五種蠱毒方

右搗馬兜鈴根。羅為散。每服一錢。水一盞。煎五分。去滓。空腹頓服。當隨吐蠱出。未吐再服。

敗鼓皮方

右用敗鼓皮一片。燒灰。細研爲粉。空心粥飲調服一錢。病人須臾呼蠱主姓名。便愈。